



BASES E CONVOCATORIA DO CONCURSO DE COMPARSAS E CARROZAS DO “ENTROIDO 2012”

Primeira.- A Concellería de Cultura e Festas do Concello de Vigo e a Comisión organizadora do *Entroido 2012* convocan o tradicional concurso de comparsas e carrozas que se realizará o sábado 18 de febreiro, dentro do programa de actividades e espectáculos do Entroido. Neste concurso poderán inscribirse todas aquelas comparsas integradas por un mínimo de 30 persoas.

Segunda.- As solicitudes de inscrición poderán presentarse no Rexistro Xeral do Concello de Vigo, en impreso normalizado para este fin, **dende o día 3 de febreiro ata as 13:30 horas do día 11 de febreiro do ano 2012.** Todas aquelas solicitudes presentadas fóra deste prazo serán desestimadas calquera que sexa a causa do seu atraso. As bases publicitaranse a través de anuncio nos medios de comunicación local e estarán a disposición dos/as interesados/as na oficina de Información situada na lonxa do Concello e nas web municipal (www.vigo.org) e www.vigocultura.org.

Terceira.- Os premios establecidos para o concurso serán os seguintes:

PREMIOS XERAIS:

- 1º PREMIO: 2.500,00 euros
- 2º PREMIO: 2.000,00 euros
- 3º PREMIO: 1.500,00 euros

PREMIOS ESPECIAIS: Un premio especial a seguinte categoría, non acumulable aos 3 primeiros premios:

- MELLOR CARROZA: 1.000,00 euros

14 ACCÉSIT non acumulables aos tres primeiros premios, nin ao premio especial de:

- 500,00 euros para aquelas comparsas entre 30 e 50 compoñentes.
- 600,00 euros para aquelas comparsas entre 51 e 80 compoñentes.
- 700,00 euros para aquelas comparsas que teñan mais de 80 compoñentes.

Os premios serán indivisibles e poderán quedar desertos algúns deles, sobre todo no caso dos accésit, segundo a decisión do xurado do concurso. En caso de empate decidirá o voto de calidade do presidente do xurado.

Os aboamentos dos premios serán tramitados pola comisión colaboradora do Entroido, constituída pola Agrupación de Centros Deportivos e Culturais e pola Federación de Peñas Recreativas “El Olivo”, unha vez recibida a acta do xurado e estarán suxeitos á normativa fiscal que corresponda.



Cuarta.- O número da orde das comparsas inscritas no desfile asignarase mediante sorteo público, que se realizará o mércores día 15 de febreiro, ás 12:00 horas, no auditorio municipal do Concello (Praza do Rei, 1).

Co obxecto de facilitar a organización deste concurso, resulta conveniente que algún representante de cada comparsa inscrita acuda a este sorteo.

Quinta.- A concentración e o desfile das comparsas inscritas farase o sábado 18 de febreiro nos seguintes lugares e horas:

- CONCENTRACIÓN (17:00 horas): García Barbón (rotonda de Isaac Peral)
- DESFILE (18:00 horas): percorrido de García Barbón (dende rotonda Isaac Peral), Policarpo Sanz, Porta do Sol (remate)

Sexta.- As carrozas participantes no desfile de comparsas non poderán exceder das seguintes dimensións, sen contar a cabeza tractora:

Longo: 8'00 m. / Largo: 3'50 m. / Alto: 4'50 m.

En caso de que algunha das carrozas participantes incumpra algunha destas medidas quedarán excluídas directamente do desfile.

Así mesmo, e co obxecto de garantir a seguridade dos demais participantes e do público asistente, o persoal de organización e o xurado do concurso quedan facultados para excluír do desfile ou cambiar o seu posto da orde a calquera elemento das comparsas que se considere perigoso (animais de todo tipo, petardos, bengalas...),

Sétima.- A valoración dos criterios dos concursos estará determinada polo xurado, que estará composto por:

PRESIDENTE/A: Concelleira de Cultura e Festas, ou persoa en quen delegue.

VOCAIS: Tres persoas vencelladas as artes creativas, medios de comunicación, cultura, etc.

Un membro da comisión organizadora do *Entroido*.

SECRETARIO/A: Un técnico/a da Concellería de Cultura e Festas, con voz e sen voto.

O xurado terá liberdade de criterio para establecer as súas avaliación e cualificacións, pero deberá prestar atención a cuestións como: número de membros, vestiario, orixinalidade, coreografías e presenza de elementos complementarios como carrozas, harmonía, simpatía, etc.



As persoas membros do xurado avaliarán as comparsas participantes no desfile dende diferentes puntos do percorrido sen determinar, non habendo un palco de xurado.

Oitava.- As comparsas inscritas poderán participar o día 18 de febreiro no desfile de comparsas e carrozas, e no cortexo de acompañamento as cinzas do Meco.

Novena.- A decisión do xurado farase pública mediante a lectura da acta ao remate do sepelio do deus Momo que terá lugar na praza da Constitución o mércores 22 de febreiro, ás 19:30 horas.

Décima.- A concelleira de Cultura e Festas queda facultado para resolver as posibles eventualidades ou controversias que poidan xurdir e non previstas nestas bases.

Décimo primeira.- A participación no concurso supón a aceptación de todas e cada unha das bases. A decisión do xurado é inapelable.



CONCURSO DE COMPARSAS E CARROZAS DO ENTROIDO 2011
SOLICITUDE DE INSCRICIÓN

NOME E APELIDOS
NIF ENDEREZO
NÚM PISO LETRA CP.
LOCALIDADE..... TELÉFONO..... FAX
Correo electrónico:@.....

EN REPRESENTACIÓN:

de si mesmo

Nº conta bancaria (20 díxitos) Banco
Oficina

(Imprescindible achegar unha fotocopia compulsada do NIF e certificación bancaria).

da entidade denominada

CIF ENDEREZO

NÚM PISO LETRA CP.

LOCALIDADE..... TELÉFONO..... FAX

Correo electrónico:@.....

Nº conta bancaria (20 díxitos) Banco Oficina

(Imprescindible achegar unha fotocopia compulsada do CIF e certificación bancaria).

SOLICITA a inscrición da comparsa denominada

Número de compoñentes da comparsa (mínimo de 30)

¿Presenta carroza?

En caso afirmativo, resulta imprescindible cubrir os seguintes datos:

ALTO LARGO LONGO

(Ver nas bases do concurso as medidas máximas permitidas)

¿Presenta algún outro tipo de elemento (animais, automóbiles...)?

En caso afirmativo, indicar cales e o seu número

Vigo, de de 2012

SINATURA

EXCMO. ALCALDE DO CONCELLO DE VIGO

O número de orde de participación das comparsas inscritas nos desfiles decidírase mediante sorteo público o día 15 de febreiro ás 12:00 horas, no auditorio municipal do Concello (Praza do Rei, 1).